



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

V. Concordiæ super erectione Cathedræ Theologiæ in Universitate Oscen.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Ab Urbano VIII. injunctum fuit Ordinariis, & Generalibus, ut bis in anno exponerent necessitates Locorum Terræ Sanctæ.

§. 1. Cum itaque alias se. re. Urbano Papa VIII. Prædecessori nostro exposito, quod Ecclesiæ, & alia loca pia in Civitate Hierusalem; & aliis locis Terræ Sanctæ existentia fere diruta erant, & quæ adhuc ibi existebant Monasteria ære alieno ob impiam Turcarum, hereticorum, & schismaticorum Tyrannidem, & pro Sanctæ Fidei Catholicæ in eisdem locis conservatione contracto admodum gravata reperiuntur, idem Urbanus Prædecessor Patriarchis, Archiepiscopis, Episcopis, & aliis locorum Ordinariis, necnon omnibus, & singulis quorumvis Ordinum, Congregationum, & Institutum Regularium Generalibus commiserit, & mandaverit, ut ad minus duabus vicibus quolibet anno, Adventus, & Quadragesimæ temporibus, tam per verbi Dei Prædicatores in suis Sacris Concionibus, quam in actionibus, & functionibus publicis necessitates eorumdem Sacrorum Monumentorum Populo proponi, & commendari curarent, & facerent, & alias prout in ipsius Urbani Prædecessoris literis desuper in simili forma Brevis die 3. Februarii 1634. expeditis, quarum tenores præsentibus pro expressis haberi volumus, uberius continetur. Et sicut pro parte dilecti filii Bernardi Josephi a Jesu Maria Ordinis Fratrum Minorum S. Francisci de Observantia Reformatum nuncupatum professoris, ac charissimi in Christo filii nostri Caroli Hispaniarum Catholici Concionatoris, necnon Tribunalis Sanctæ Inquisitionis Consultoris, ac ejusdem Terræ Sanctæ Commissarii, & Procuratoris Generalis nobis nuper expositum fuit, ipse quo præfata Urbani Prædecessoris literæ, quæ a re. me. Innocentio X. Clemente etiam X. Innocentio XI. ac Alexandro VIII. Romanis Pontificibus Prædecessoribus pariter nostris confirmatæ fuerunt, exactius observentur, illas per nos pariter confirmari, & innovari desideret: Nos eorumdem Sacrorum Monumentorum conservationi, & manutentioni consulere volentes, prædictas Urbani Prædecessoris literas Apostolica auctoritate tenore præsentium confirmamus pariter, & approbamus, illasque innovamus, & observari mandamus.

Præces Procuratoris Gen. Min. de Obs. Reform.

Causa hujus Constituitur.

Confirmatio, & innovatio præd.

Fides de executione dd. Constitutionum ab Ordinariis exhibenda.

Clausulæ.

§. 2. Volumus autem, ut Patriarchæ, Archiepiscopi, & Episcopi præfati in relatione status Ecclesiarum suarum, quando visitabunt limina Apostolorum faciendâ, referant se præfatis Urbani Prædecessoris, & præsentibus nostris literis paruisse, contrariis non obstantibus quibuscumque.

§. 3. Volumus insuper ut earumdem præsentium transumptis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides adhibeatur, quæ præsentibus ipsis adhiberetur, si forent exhibitæ, vel offensæ.

Datum Romæ apud S. Mariam Majorem sub Annulo Piscatoris die XXIX. Septemb. MDCXCI. Pontificatus Nostri Anno Primo.

V.

Confirmatur concordia super erectione Cathedralis Theologiæ in Universitate Osen. inita inter Monachos Cisterciens. Congreg. Hispaniarum, & Episcopum, aliosque.

De Universitatibus FF. Prædicatorum agitur Alex. VIII. Const. ed. 1690. Nov. 7. P. 2.

Dilecto filio nostro Petro S. R. E. Presbytero Cardinali de Salazar nuncupato.

Dat. 14. Nov. 1691. An. 1.

INNOCENTIO PAPA XII.

Dilectæ fili noster salutem, & Apost. bened.

Erecta fuit d. Cathedra sumptibus Monasterii B. M. V. de Piedra pro Monachis Cisterciensibus.

Exponi nobis nuper fecerunt dilecti filii Vicarius Generalis, & Monachi Congregationis Hispaniæ Ordinis Cisterciens., quod cum ipsi alias sumptibus Regalis Monasterii Beatæ Mariæ Virginis de Piedra nuncupati dictæ Congregationis Tiralonen. Diocesis Cathedralam de Prima nuncu-

patam cum facultate Sacræ Theologiæ in Universitate studii Generalis Osen. a pro tempore existentibus Monachis dicti Monasterii tantum, & eveniente casu eorum deficientiæ, a cæteris Regnum Aragoniæ, & Navarræ Monachis Congregationis hujusmodi obtinendam fundaverint, iidem Exponentes, ac dilecti filii Abbas, & Monachi Monasterii supradicti ex una, necnon Venerabilis frater modernus Episcopus Osen., dilecti pariter filii Capitulum, & Canonici Ecclesiæ Osen., prædicta Universitas, ac communitas, & Homines Civitatis Osen. ex altera partibus ad occurrendum litibus, & dissidiis, quæ super fundatione hujusmodi oriri possunt, mense Aprilis 1689. ad quamdam transactionem, seu concordiam inter se devenerunt, cum pactis, & conditionibus infra scriptis videlicet.

Concordia.

§. 1. Conventum fuit primo, quod Episcopus Osen., Capitulum, Universitas, Rectores, Doctores, Magistri, Cathedralici, Conciliarii, & Consilium Universitatis Civitatis prædictæ opportunam præstent consensum, ad hoc, ut Congregatio Cisterciens. præfata erigere possit, & erigat in dicta Universitate Cathedralam Theologiæ sub denominatione Prima pro Monachis dictæ Congregat. in perpetuum cum pacto, quod eadem Congregatio reportare debeat approbationem Regiam, & Apostolicam.

§. 2. Quod quoties casus vacationis evenit d. Cathedralis Vicarius Generalis dictæ Congregationis, & Abbas prædicti Monasterii Regii de Petra pro tempore teneantur præsentare coram Deputatis dictæ Universitatis duos Monachos ejusdem Monasterii, quorum alter eligendus erit a Vicario Generali, & alter ab Abbate Monasterii de Petra, & quatenus in dicto Monasterio unus dumtaxat reperitur cum infra scriptis qualitatibus, iidem Vicarius, & Abbas eligere valeant alium ex aliis dictæ Congregationis Monasteriis; Si vero nullus in dicto Monasterio cum infra scriptis qualitatibus reperitur, Vicarius Generalis teneatur præsentare alium, & alium Abbas præfatus, qui nequeat a Vicario Generali super hac præsentatione impediri, nec e contra.

§. 3. Quando vero præsentatio fiet de duobus Monachis, quorum alter sit filius dicti Monasterii de Petra, & alter alterius Monasterii post factum ab ipsis exercitium literarum pro dictæ Cathedralis provisione Universitas arbitrium suum dare teneatur Monacho filio dicti Monasterii de Petra.

§. 4. Item, quod Vicarius Generalis, & Abbas non possint præsentare Monachos, nisi prius constet Deputatis dictæ Universitatis quod iidem Monachi legerint spatium decem annorum Philosophiam, aut Theologiam in Religione, aut Universitate prædicta, quodque bis se opponendo in concursu alicujus Cathedralis Philosophiæ, vel Theologiæ dictæ Universitatis legerint, & si aliquis ex dd. Monachis præsentatis legerit in Universitate duorum annorum spatium mediante approbatione Deputatorum, aut Scholasticorum nihilominus habilis sit absque dictis oppositionibus.

§. 5. Item quod Cathedra non vacet nisi Monachus de ea provisos illam dimittat post lapsum 25. annorum a quibus legerit, hic vero Monachus remaneat quidem cum titulo, sed sine stipendio, & Monachus pro tempore, pro quo legerit sit subiectus visitationi Deputatorum &c. observacionibus Statutorum disponentium de obligationibus Cathedralicorum, & si casus evenierit, quod aliquis privari debeat Cathedra, tunc Deputati teneantur prius dare notitiam Vicario Generali de causa ob quam privandus sit.

§. 6. Quodque Religio illum e contra nequeat amovere a Cathedra nisi prius constet Deputatis de causis amotionis.

§. 7. Item Vicarius Generalis, & Abbas ad faciendam præsentationem prædictam tempus habeant trium mensium a die vacationis.

§. 8. Quod-

§. 8. Quodque Provisus intra duos menses post provisionem gradum in Sacra Theologia suscipiat, alias jus amittat in d. Cathedra, & procedatur pro alia provisione, quodque locus in Universitate, & functionibus ejusdem esse debeat juxta antiquitatem gradus sui Doctoratus.

§. 9. Item, quod Monachus teneatur legere ab hora nona usque ad decimam, quodque non possit legere nisi materias, quas assignaverint Consilium Universitatis, teneatur observare turnum, & praesidere in materia de qua legerit modo, & forma quibus solent ceteri Cathedralitici.

§. 10. Quod in eventum substitutionis possint Deputati alium Monachum substituere absque praesentatione Vicarii Generalis, & Abbatis durante impedimento Provisi.

§. 11. Quod omnes Monachi Collegae Professores Theologiae in Collegio S. Bernardi d. Civitatis studere teneantur apud Cathedraliticum dictae Cathedrae de prima absque eo, quod sit necessarium, quod studeant apud Cathedraliticum de prima Sacrae Theologiae, dictae Universitatis, & apud dictam Cathedraliticam studere possint quindecim Scholastici Saeculares, & triginta remanere debeant pro Cathedra de prima Universitatis, quos nominabit Rector dictae Universitatis.

§. 12. Quod Religio investire teneatur mille libras ad satisfactionem Deputatorum, seu aliam summam necessariam pro annuo reddito lib. 50. per Deputatos consignandarum Cathedralitico.

§. 13. Quod ultra dictas mille libras teneatur Congregatio tradere Deputatis duas libras, & sex solidos annuatim, & 46. sortis pro expensis propinarum, ac propriis expensis fabricare mansionem pro Cathedra, & Cathedraliticis obligatus sit solvere Deputati jura vacantis.

§. 14. Casu, quo Congregatio omittat concurrere ad dictam Civitatem, & Universitatem, Cathedra sit solum pro filiis Regii Monasterii, & si in eo non adsint Religiosi habiles, liceat Deputatis providere Cathedraliticam de idoneo extra Religionem, donec habilis existat Monachus filius d. Monasterii, quatenus juridice probetur, quod eadem Domus de Petra approbaverit, vel procuraverit resolutionem, quod nempe Congregatio non concurrat cum suo Collegio ad dictam Universitatem amittat in perpetuum Jus Cathedrae quod est converso amittant ceterae Domus Congregationis non concurrentes cum Collegio.

§. 15. Eveniente casu, quod supra assignatum stipendium deperdat; & Monasterium de Petra non subroget alia bona, tali casu expiret hujusmodi fundatio.

§. 16. Demum quia Abbas Regii Monasterii S. Salvatoris de Legre, & Cathedraliticus Philosophiae Regens Cathedraliticam Sacrae Scripturae multum laboravit in fundatione d. Cathedrae, possint idcirco ad eam praesentari ex pacto &c. prout in dicta concordia plenius continetur.

§. 17. Cum autem, sicut eadem expositio subjungebat, Charissimus in Christo Filius noster Carolus Hispaniarum Rex Catholicus transactionem, seu concordiam hujusmodi confirmaverit, & servari mandaverit, ipsi vero Exponentes, ut omnia in ea contenta in posterum adimpleantur, nec de illorum validitate unquam dubitari contingat, transactionem, seu Concordiam praefatam Apostolicae confirmationis nostrae patrocinio communiri plurimum desiderant: Nobis propterea humiliter supplicari fecerunt, ut sibi in praemissis opportune providere, & ut infra indulgere de benigntate Apostolica dignaremur.

§. 18. Nos igitur ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causis si quibus quomodolibet innodatae existunt ad

effectum praesentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium Concilii Tridentini Interpretum consilio circumspeditioni tuae per praesentes committimus, & mandamus, ut veris existentibus narratis, & postquam utriusque loco Pio transactionem seu concordiam hujusmodi expedire judicaveris, eandem transactionem, seu concordiam cum pactis, & conditionibus supra expressis, auctoritate nostra Apostolica pro tuo arbitrio, & prudentia gratis approbes, atque confirmes.

§. 19. Non obstantibus quatenus opus sit, fel. rec. Paul. II., & aliorum Romanorum Pontificum praedecessorum nostrorum de rebus Ecclesiae non alienandis, aliisque Constitutionibus, & Ordinationibus Apostolicis, necnon Monasterii, & Congregationis praefatorum, etiam juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro plene, & sufficienter expressis, ac ad verbum insertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Pisc. die XIV. Novemb. MDCXCI. Pontificatus nostri Anno Primo.

Confirmantur Constitutiones Fratrum B. Mariae de Mercede Redemptionis Captivorum.

Extant quaedam Decreta Capituli Gen. Innoc. XI. Const. ed. 1687. Maji 15. P. 11. Et aliud Decretum hujus Pontificis Const. ed. 1693, Octob. 24. Pont. 1.

INNOCENTIUS PAPA XII.

Ad perpetuam rei memoriam.

EX injuncto nobis divinitus Apostolicae servitutis muneri, illa quae pro feliciter gubernandis, & salubriter dirigendis Religiosorum virorum vota sua Altissimo in sanctitate, & justitia assidue reddere satagentium, ac propriae, alienaeque non spirituali tantum, sed etiam corporali salutis studiosa charitate jugiter incumbendum Ordinibus in Ecclesia Dei pie sancteque institutis provide, prudenterque disposita, atque ordinata esse noscuntur, ut firma semper atque illibata persistant, Apostolici muniminis praesidio, cum id a nobis petitur, libenter roboramus, sicut ad Omnipotentis Dei gloriam, Religionis, & piorum operum incrementum, & felicem progressum, ac animarum salutem in Domino expedire arbitramur.

§. 1. Exponi siquidem nobis nuper fecit dilectus filius Martinus Salvator Gilaberti Vicarius, & in Romana Curia Procurator Generalis Ordinis Fratrum Beatae Mariae de Mercede Redemptionis Captivorum in Sacra Theologia Magister, quod cum alias ad praescriptum cujusdam Ordinationis in postremo Capitulo Generali dicti Ordinis editae pro felici, prosperoque ipsius Ordinis regimine, & gubernio nova Constitutionum ejusdem Ordinis coordinatio, seu compilatio facta fuerit, subinde Constitutiones hujusmodi sic coordinatae, seu compilatae ad fel. record. Alexandrum PP. VIII. praedecessorem nostrum transmissae fuerint, ut suo, & hujus Sanctae Sedis patrocinio munirentur. Ipse Alexander praedecessor eandem Constitutiones sibi exhibitas nonnullis ex Venerabilibus Fratribus nostris tunc suis S. R. E. Cardinalibus, quorum pietas, pru-

Committitur Confirmatio Apostolica Card. de Salazar.

Clausula.

VI.

Dat. 7. Dec. 1691. An. 1.

Exordium.

Iussu Capituli facta fuit praed. Compilatio, ad Alex. VIII. transmissa, & a nonnullis Cardini. ad examen revocata.

Concordia relata confirmata fuit a Rege Catholico.

Preces Congregationis.

dentia,